



UNIVERSITÄTS-  
BIBLIOTHEK  
PADERBORN

# **Repetitio Clem. I. Ut Clericorum De Officio Ordinarii**

**Aufréri, Étienne**

**Leodii, 1702**

Tractatus.

---

[urn:nbn:de:hbz:466:1-63069](https://nbn-resolving.org/urn:nbn:de:hbz:466:1-63069)

dum, quod plerique faciunt mandata ipsius negligentes, ut suas stabiliant ad inventiones.

## TRACTATUS.

**Q**uoniam frequenter intueor modernis temporibus, cap. distringi & plerumque, judicari à temporalibus, iudicibus, sive magistratibus, igitur vigilantissimi studio investigare curavi totis pro viribus an & quando sit hoc eis licitum, scilicet laicis imponere manus in personas clericorum sine metu excommunicationis, atque offensa divini iudicij.

**1** Primitus est presupponendum, quod iurisdictiones sunt distinctæ, in auth. quomodo oporteat Episcop. & Cleric. collat. 1. circa prin. juncto cap. novit. de jud. extra, cum concordan. Iurisdicção tamen Ecclesiastica major est & excellentior temporalis, in cap. Solite. de mayo. & obed.

**2** Ideo dicit Imperator, quod leges non dedignantur sacros canones imitari. In auth. Ut clerici apud proprios Episcopos. §. penult. collat. 6. juncto cap. Clerici de judic. & cap. cum secundum. de secundis nuptijs. Qua de re una Iurisdicção non debet aliam impedire, ut dicto ca. novit. de jud. juncta. l. consulta divalia. C. de testamentis. Imo potius una aliam juvare debet. ut 24 quest. 2. Dominus juncta l. fin. circa prin. de re militari lib. 12 C. Et ibi de hoc per Lucam de Pen. de quo etiam egregie loquitur Guil. de Mon. Lauduno in ca. 1. circa fin. de foro compet. in clem. & est textus in cap. 1. de offic. ordin.

nullam

Nullam habent jurisdictionem, nec in criminalibus, ut in cap. At si clerici, & in cap. cum non ab homine. extra de jud. & in c. 1. & 2. II q. 1. cum conco. Nec etiam in causa pecuniaria ex criminali descendente, ut no. Io. 32 distinct. cap. ad hac & in c. Adrianus 63 dist. Item Bernardus & Hostien. in c. decernimus de judicijs, & in c. 2. de foro competenti, & ibidem hoc tenet Io. An. Idem notatur in c. 1. de clericis conjugatis, li. 6. Nec in causa mere civili in c. nō liceat 3. q. 6. & est hoc expeditum in c. 1. & 2. II q. 1. & in c. qualiter & quando de jud. quod tenet Host. & Io. And. in c. Clerici, de judi. de quo etiam in c. Quod clericis, de fo. comp. & in c. verum eod. tit. per Io. An. Ita etiam notat. Hugo. II q. 1. c. clericū, & in c. alleg. unico de clericis conjugat. li. 6. facit optime c. seculares de foro compet. lib. 6. cum concor. ibi signatis, ubi est hodie declaratum.

¶ In hoc tamen ultimo membro, dicunt nostri majores excipi duos casus. Primus casus est in causa reconventionis. 2dus casus est, in causa feudali licet de hoc sint opiniones contrariae, tamen Inno. hoc tenet in c. verum de fo. cōpe. dicens quod si in causa feudali dominus clericus vasallū distringat vel alias repellat, nō incidit in canonē & c. de quo plenè disputat Henr. Bohic. in c. at si cler. de jud. hac tamen jura predicta familiaria, unde probatio est familiaris, ut dicit Io. in c. patet II q. 3. quādo unus papaliū Papā inducit in testē, ut recitat Io. 1. Romani Principes. de jurejurando. in clē. super verbo Bonifacius, hoc tamen obstante nullus

fidelis abnegare debet istorum jurium & simi-  
lium auctoritatem; absit enim dicere ut scriptu-  
ra mentiatur 13. qu. 5. quid ergo, &c.

5. Præterea prædicta approbantur non solum  
autoribus juris canonici, imo & authoribus ju-  
ris divini, & etiam civilis; quoniam Clerici  
sunt exempti à potestate laicorum auctoritate  
summi Dei rerum omnium conditoris, prout  
legitur in cap. cum at verum, cap. duo sunt,  
& c. imperator 96. dist. secundum Guil. de  
Mont. Lauduno. in c. 1. de offi. ordi. in clem-  
de quo plenè per Innocen. in c. Si quis de ma-  
joritate, & obedientia, & plenius per ipsum  
in c. licet, de fo. compe. ubi plenè ipse Inno-  
centius differit de jurisd. Ecclesiastica, & de  
illius origine & progressu. De libertatibus ve-  
ro & privilegijs à Deo & à principibus conces-  
sus ipsi Ecclesie & personis & bonis Clerico-  
rum eleganter ponit Innocentius in ca. nove-  
rit de sententia excommunicationis extra, ubi  
ad hoc remitto causa brevitatis. Unde veritas  
sacri eloquii testatur<sup>ps. 104. v. 15.</sup> dicens: Nolite tangere  
Christos meos, & in prophetis meis nolite ma-  
lignari.

6. Ulterius prædicta comprobantur auctori-  
tate juris civilis in auth. statuimus. C. de Epif.  
& Cle. Ubi ad literam patet, quod iudices  
temporales nullam habent Jurisdictionem, nec  
in criminalibus, nec in civilibus, in personis cle-  
ricorum, per quam auctoritatem dicunt ibi  
DD. & præcipuè Baldus, quod omnia alia jura

civilia qua dicebant laicos habere aliquam jurisdictionē in Cler. sunt correcta per illam athen. & l. nullum C. de testibus & l. addictos C. de episco. audien. cum similibus tractant Hosti. & Io. An. in c. verum de foro compet.

Omnis tamen diffinitio in jure periculosa est parū est quin subverti possit l. omnis diffinitio. ff. de reg. jur. Ideo libet casus à prædictis exceptos hic enumerare. Ea de re subijciā septem casus, in quibus verberans clericum non incidit in sententiam excommunicationis. Et sex in quib. clerici distringuntur per sæculares iudices. Et alios sex in quib. laici capiunt Clericos absq. metu excommunicationis, quos casus recollegi ex variis passib. juris, & diversorum Doctorum conclusionibus.

7. Sunt igitur septem casus, in quibus quis percutiendo Clericum non incidit in sententiā excommunicationis, quos enumerat Innoc. in c. non dubium de sententia excommunicationis.

Primus est cum bono zelo causā correctionis, quis clericum verberat, ut pater, mater, magister & prelatus, ut in c. 1. de sententia excommunicationis & ibi de hoc per Henricū. Boysf.

Secundus est, si cum jocosa levitate, ut in cap. 1. & ibi per Henricum in 2. dist.

Tertius, cum quis invenerit Clericum turpiter agentē cum uxore, sorore, & matre, de quo in c. si vere. de sent. extra. in 2. di. per Hen.

Quartus si vim vi repetat, ut in d. c. si vero, & ibi de hoc per Henri. in 1. dist.

Quintus, si ignoravit eum esse cler. c. si ve-  
ro 2. & ibi de hoc per Henri. in 1. distinct.

Sextus, si invenerit Clericum apostatam sci-  
licet non deferendo habitū, & tonsurā clericālē  
post trinam monitionem, vel si s̄avis, & enor-  
mibus immisceat sine habitu & tonsura cleri-  
cali sine monitione, de quo tamē latius inferius.

Sept. & ultim. cum cler. se prorsus transf-  
fert ad actus contrarios clericatui, ut quia effi-  
citur miles se immiscendo s̄avis & enormibus  
ut quia bigamius efficitur, & etiam de his dicā.  
8. Præterea, secundo reperio sex casus in quib.  
Judex temporalis coercere potest clericum.

Primus est, quando cler. incorrigibilis est, &  
est degradatus & traditus brachio seculari in  
c. cum non ab hom. cum concord. suis, de jud. &  
intelligo quod sit degradatus juxta formam c.  
degradato, de pœnis li. 6. casus autem in quib.  
cler. traditur brachio seculari enumerantur  
per glo. in c. ad abolendam extra de hæreticis.

Secundus casus est, ubicunque Ecclesiastica  
potestas defuit juxta ea que violantur in cap.  
Princeps. 33. q. 5. in c. filijs 16. qu. 7. ubi dicit  
text. quod metropolitano dissipante bona eccle-  
siae adeatur regia dignitas & ibid. per glo. vide  
etiam per Ludov. de Pennis in l. si coloni. C. de  
agricolis & censib. li. 11. Adde hunc locum ci-  
tat Benedi in c. Cainuti. 2. par. 8. si absq̄ n. 31.

Tertius, quando per Ecclesiam invocatur  
Brachium seculare in c. 1. cum ibi notatis,  
de officio ordinarij.

9. Quartus, ubiunque clericus se immiscet se-  
vis & enormibus in c. ex parte. 3. de privile-  
gijs juncto c. perpendimus & c. cum non ab ho-  
min. de senten. excom. ubi de hoc, de quo latif-  
sime per Hen. in c. ut fama de sentent. excom.  
& in c. ex litteris in 3. dist. extra. de vita &  
honestate clericorum, ubi inter cetera legitur  
quod si Cler. facit contra statutum clericale as-  
sumendo militiam, immiscendo se sevis & tur-  
pibus, vel apostatando ab ordine clericali pari-  
ter enormia committendo, sine laicali moniti-  
one exiituri omni privilegio clericali.

Hoc idem tenet Innoc. in ca. in audien. de  
sentent. excom. qui text. dicit, † quod Cler. as-  
sumens habitum militarem si tertio monitus  
non desistat, si capitur seu percutitur per tales  
laicos non sunt tales laici excommunicati, In-  
noc. tamen supplet super verbo moniti, sub-  
audi maxime, Et nota quod ille text. non dicit,  
quod se sevis & enormibus immisceat, sed solum  
quod habitum militarem assumpserit. Sed in c.  
1. de apostatis. Innoc. dicit, quod ad hoc, quod  
perdat privilegium clericale, duo requirantur,  
scilicet quod se transferat ad habitum milita-  
rem, & quod sevisa & enormia committat.

Si autem clericus vitam turpem ducat, ut  
quia est publicus Ioculator, Buffo, Goliardus,  
tunc sive sit in sacris, sive non, post annum ipso  
jure, vel etiam intra annum, trina tamen mo-  
nitione precedente, perpetuo exiituri omni pri-  
vilegio clericali. in c. unico de vita & honesta-

re clericorum lib. 6. si vero alias turpem Clericus exerceat vitam ut carnificum, macellariorum vel tabernariorum, personaliter tamen post trinam monitionem post terminum competentem arbitrio monentis praefixum, si sit conjugatus omnino, si non sit conjugatus in rebus, Et tunc si omnino incedat in habitu laici etiam in persona privilegium clericale quamdiu in praemissis, insistit, amittit, ut in clem. 1. de vita & honestate clericorum.

12. Quintus casus est in c. ubi majus periculum, de electionib. lib. 6. juncto c. 7. ne Romani. eod. titul. in clem. ubi domini temporales possunt de facto includere dominos Cardinales ad celebrandam electionem summi pontificis. Sed quia hoc faciunt domini temporales ex commissione vel concessione summi pontificis, a quo in hoc casu praedictis dominis temporalibus attribuitur talis potestas dico quod laicus ex commissione vel delegatione Papa potest Clericos non solum civiliter, quinimo criminaliter coercere, secundum Io. qui hoc 32. dist. c. ad haec & in c. Adrianus. 63. Idem tenet Bohic. post Bernard, Hostien. Innocentium. & Ioann. Andr. capit. allegato. At si Clerici, de judi.

Et per hoc ut opinor. excusantur officarij nostri regis Francorū qui Rex in his multa habet privilegia apostolica, & plures praeminentias, adeo quod Officiarij sui capiunt Clericos, & detinent sine metu excommunicationis, sed



eos corporaliter non puniunt, sed bene pecunia-  
 riter in casibus privilegiatis ut infra dicitur.  
 13 Sextus & ultimus casus est in l. Si quis cu-  
 rialis. de Episcopis & Clericis c. ubi curialis  
 si clericetur potest per temporalē judicem etiā  
 per manū injectionem ad curiam revocari, &  
 vide ibi Bal. Et potest hujus esse ratio, quia ubi  
 aliqua sunt in cognitione & jurisdictione ex  
 natura causae & judicij temporalis, potest cognitio  
 seu jurisdictio exerceri per temporalē judicem  
 in Clericum ut in c. verum de fo. compe. & in  
 c. ex transmissa eodem titul. qui loquuntur in  
 feuda. & in cap. ceterum de judi.

Unde si Clericus resistat judici seculari po-  
 test de facto repelli & ejus persona potest de  
 facto à feudo exui sine metu excommunicatio-  
 nis, secundum Innocent. in c. verum, & ex hoc  
 quotidie practicamus quod in causis quae perti-  
 nent ad temporales de jure vel ex privilegio,  
 ut in casibus, quos dicimus privilegiatos in hoc  
 regno, vel quando Clerici aliquid attentant in  
 prejudiciū temporalis jurisdictionis, profectō  
 temporales possunt coercere Clericos resistentes,  
 & merito, quia quilibet potest tueri suam juris-  
 dictionem etiam pœnali judicio ut in l. unica.  
 in principio. ff. si quis jus dicenti non obtempe-  
 ret, & notat Inno. in c. 1. de offi. deleg. Quo casu  
 Judex potest etiā non-subditos coercere, juxta  
 c. Roma. de pœnis li. 6. Et not. plenē Inno. in d.  
 c. 1. de offi. dele. Et ob id Judices temporales in  
 dictis casibus Cler<sup>icos</sup> mulctant, nec propter hoc puto

eos incidere in sentent. excommun. nec facere  
 contra libertatem ecclesiast. quæ licet sit fo-  
 venda & amplianda non tamen quod alijs jus  
 suum auferatur argum. capit. ex tenore de fo.  
 competent. non enim debet apponi laqueus fa-  
 vore Ecclesiarum ut in cap. Mulieri de jure  
 jur. & ibi sunt concord.

15. Jurisdictio enim Ecclesiæ semper tueri de-  
 bet ob Dei reverentiam scil. justè & non inju-  
 stè ut dicitur de causa pupillari in l. Quoties  
 §. Nec utiq; ff. de administ. tutor. Ex quib. o-  
 pinor quod judices saculares contra personas  
 Ecclesiasticas jurisdictionem exercentes debito  
 modo utiq; non excedunt. Et maximè, quia hoc  
 faciunt ex privilegio juris vel Papæ aut saltè  
 ipso Papa sciente & tolerante, ad quod benè  
 faciunt notat. in c. Quoniam de vita & hone-  
 state Clericorum. per Inno. in C. 1. de treuga  
 & pace, & vide quæ proposui ibidem satis latè  
 post Innocent.

16. Verum est tamen quod tunc Executio hu-  
 jusmodi mulctæ pecuniariæ non fiat contra per-  
 sonam Clerici nec in Bonis Ecclesiast. quia non  
 subijciuntur judici temporali. sed benè fiet exe-  
 cutio in Bonis eorum temporalibus immobilibus  
 tamen cum mobilia sequantur personam juxta  
 l. Si captivus §. expulsus ff. de captis. & postlim.  
 reversis. Et notat. Divus in l. etiam §. Patron.  
 ff. de bonis libertorum, & plenè Oláradus de  
 Ponte Lauduno Cons. 59. & Cons. 17. Fiet igitur  
 Executio in Bonis immobilibus seu in rerum

temporalitate si quando habeant, cum talia bona temporalia subiciuntur jurisdictioni Regum, & aliorum temporalium dominorum, ut in cap. qua jure. distinct. 8. & ita servamus.

17. Præterea iudices temporales in regno Francia cognoscunt de possessorio causa seu rei Ecclesiastica, quia possessorium rei Ecclesiastica est quid temporale & non spirituale secundum Innoc. in Ca. cum dilecti. de electionibus, licet quidam in hoc contra. Sed Bernardus videtur hoc astruere in C. literas. de juram. cal. quia possessio habet plurimum facti, & propterea de ea potest iudex temporalis cognoscere, & jam in rebus spiritualibus seu Ecclesiasticis secundum Bernard. in l. potest pupillus, ff. de autor. tutorum. & in l. Tertia ff. Solutio matrimonio, & melius in l. quæstiones de judicijs C. & Io. And. in C. tuam, extra de Ordinarijs cognitionibus, & Paul. de Lea. in C. 1. de usu in Clementina, qui dicunt, quod quando agitur de quæst. facti incidentis in materia Ecclesiastica iudex temporalis cognoscere potest. 8. Unde secundum jura antiqua Episcopi non habebant territorium, & ideo non exequabantur sentent. suas, sed iudices temporales eas exequabantur secundum Cynum & Bald. in l. Episcopi. C. de Episcopali audientia. Et propterea licet cognitio dotis pertineat ad Ecclesiam, ut in c. 1. & 2. de donat. inter virum & uxorem, tamen in quantum requiritur in ea executio facti, illa fiet per iudicem secularem & non per Ecclesiasticum secundum Innoc. in c. significasti de offic. de-

legati secundum unum intellectum. & ex hoc dicimus inventaria bonorum temporalium Clericorum debere fieri per iudices temporales, quia illa subijciuntur temporalibus; in cap. quo iure. & distinct. superius allegata.

19 Postremo reperio alios 6. casus, in quibus iudex temporalis sine metu excommunicationis potest capere Clericum & incarcerare.

Primus est in casibus predictis, in quibus potest fieri punitio seu correctio personæ, quia cui licet quod est majus; & c. Reg. iur. 93. in 6.

Secundus de mandato iudicis Ecclesiastici ipsorum malefactorum ad fines remittendi, in cap. universitatis, & ca. ut fama. de sentent. excommunicationis. ita tenent Archid. & Ioannes Andree in cap. Si Clericos eod. tit. lib. 6.

Tertius, quando iudex Laicus videt Clericum ad alterius injuriam preparatum, & non adest prælatis suis, si ipsum Clericum alias compescere non potest, nam tunc potest eum sine metu excommunicationis ligare vel incarcerare secundum Innocent. qui hoc notat in cap. si verò de sentent. excommunic. quem sequitur Lucas de Penna, in l. generali, de Decur. lib. 10.

20 Quartus, quando iudex secularis reperit Clericum in crimine flagranti, quem potest per 20 horas detinere secundum Bernard. & Ioannem And. Hostiens. tamen contra in capit. ut fama. de sentent. excommunicationis San. & Guilielmus de Monte Lauduno in cap. I de officio Ordinarij in Clementina, quos sequitur Henricus Bohic in

capit. cum non ab homine de judicijs. Archid.  
tamen in capit. Præbiter distinct. 81. & Lucas  
de Penna post eum in d. l. generali, sequitur  
opinione primam, quæ videtur esse consuetudi-  
ne approbata.

Quintus casus est, quando Clericum adulte-  
rantem cum uxore sua invenit maritus secund.  
Host. & Henricum Bobic in d. cap. si verò. de sent.  
excommunicationis, cui autem pertinet vel in-  
cumbit probatio Clericatus & coram quo est ho-  
die declaratum in c. si iudex Laicus. de sen. l. 6.

21 Sextus & ult. casus est, ubi timetur de fuga  
debitoris etiam Clerici, quoniam creditor potest  
tunc talem debitorem capere juxta terminos l.  
ait præd. s. debitorem. ff. quæ in fraudem credi-  
torum alienata sunt, ut restituantur. & hoc abs-  
que metu excommunicationis, ut singulariter po-  
nit Ioan. And. in Novella, & Innocent in cap. ut  
fama de sent. excommuni. & ibi de hoc.

Hæc verò citra præjudicium potestatis jurisdictio-  
nis & libertatis Ecclesiæ sufficiat perstrinxisse,  
quibus nullatenus derogare intendo sed solum  
pro ruenda veritate justitiæ prædictæ certificare  
presumpsi.

22 Non enim debemus esse adulterantes verbum  
Dei vetante Apostolo. 2. ad Corin. 2. unde non so-  
lum de Ecclesia, sed etiam de Deo valdè perhor-  
rescendum est aliquid falsi astruere, etiam si ad e-  
jus laudem videatur pertinere, ut scribit Magi-  
ster sen. & ad Cor. ca. 15 subjungens, quod non  
minori sed majori fortassis scelere. si in Deo lau-

detur falsitas, quam vituperetur veritas, quod est tenaci animo commendandum, & perpetuo mente tenendum. Omnia tamen submitiendo correctioni & determinationi sanctæ matris Ecclesie. Nam sicut errare vel minus sapere est communis infirmitas, sic in errore persistere precipuum est horrenda iniquitatis.

FINIS.

SEQUITUR TRACTATUS.

Utilissimus.

DE

RECUSATIONIBUS  
Susceptorum Iudicum, au-  
thore Stephano Aufrerio  
per casus 93. distinctus.

**R**ECUSATIO est jurisdictionis vel audientie causa suspicionis proposita declinatio. l. apertissimi. C. de judi. cap. quia suspecti. 3. qu. 5. cap. suspitionis. & cap. super questionum. cap. 2. 3. & 5. de offic. de leg. ita dicit Pe. in tit. de recus. §. 1. ubi vide alias definitiones seu descriptiones recusationis, quas ibidem ponit Ioan. An. in addit.

Secundò quæritur, qualiter sit fienda recusatio. Et breviter conclude, quod in scriptis, ex quo videtur tex. juncta glo. in ver. libellum. in præallegat. l. aper-